

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-389/10  
Sarajevo, 27.5.2010. godine

**Z A P I S N I K**

**29. SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 25. marta, 29. aprila i 27. maja 2010. godine**

Sjednica je počela u 11.33.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, premijera Federacije Mustafu Mujezinovića, zamjenike premijera Vjekoslava Bevanđu i Gavriela Grahovca, ministre u Vladi Federacije Bosne i Hercegovine, predstavnike međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdali su Jasenko Tufekčić, Edina Papo i Zijad Tvica.

Na osnovu evidencije Stručne službe, predsjedavajući je konstatovao da sjednici prisustvuje 45 delegata, što čini većinu, te Dom naroda može raditi i punovažno odlučivati.

Prije prelaska na rad predsjedavajući je upitao delegate da li imaju primjedbe na Zapisnik 28. sjednice Doma naroda, održane 28.01. i 11.02.2010. godine, Zapisnik 12. vanredne sjednice Doma naroda, održane 25.02.2010. godine i Zapisnik 13. vanredne sjednice Doma naroda održane 11.03.2010. godine.

Na osnovu rezultata glasanja, predsjedavajući je konstatovao da je Dom naroda, bez primjedbi, sa 42 glasa za i uz jedan glas protiv, usvojio Zapisnik 28. sjednice Doma naroda, održane 28.01. i 11.02.2010. godine.

Nakon toga su delegati bez primjedbi (42 glasa za, jedan glas protiv i jedan uzdržani glas) usvojili Zapisnik 12. vanredne sjednice Doma naroda, održane 25.02.2010. godine.

Potom su delegati bez primjedbi (42 glasa za, jedan glas protiv i dva uzdržana glasa) usvojili i Zapisnik 13. vanredne sjednice, održane 11.03.2010. godine.

Predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

### **Delegatska pitanja i inicijative**

**Mislav Sučić** izrazio je nezadovoljstvo dobijenim odgovorom koji je dostavilo Federalno ministarstvo poljoprivrede, vodoprivrede i šumarstva a odnosi se na dodjelu vodne dozvolu Buškom blatu bez pozivanja na Zakon o koncesijama, te je zatražio da mu odgovor dostavi Agencija za vodno područje Jadranskog sliva te da se predstavnik Agencije pozove na sjednicu Odbora za poljoprivredu, vodoprivredu i šumarstvo.

**Anđelko Mikulić** izrazio je nezadovoljstvo što nije dobio odgovor na pitanje u vezi sa efektom tenkovskog napada na Hercegovačku banku, te je od nadležnih organa zatražio da mu dostave odgovor koji su to pozitivni efekti ovog napada, kao i pozitivni efekti upravljanja Toby Robinson.

**Muhamed Osmić** izrazio je nezadovoljstvo zato što se Prijedlog Zakona o izmjenama i dopunama Zakona o porezu na dohodak, Prijedlog Zakona o izmjenama i dopunama Zakona o doprinosima i Prijedlog Zakona o izmjenama i dopunama Zakona o građevinskom zemljištu, čiji je on predlagač, nisu stavili na dnevni red sjednica doma, te je zatražio da se to učini na narednoj sjednici Doma naroda.

**Dženana Zlatar** postavila je dva pitanja Federalnom ministarstvu zdravstva.

Prvo pitanje tiče se važenja naredbe o utvrđivanju referalnih cijena lijekova koju je donijelo Federalno ministarstvo zdravstva, budući da je na snagu stupio Zakon o lijekovima i medicinskim sredstvima.

Drugo pitanje odnosi se na to da li su kantonalni zavodi zdravstva, tj. vlade kantona ovlaštene da određuju cijene lijekova na referalnim listama.

**Elvira Abdić-Jelenović** postavila je pitanje Vladi Federacije - šta se realiziralo od mjera za ublažavanje globalne ekonomske krize i unapređenje poslovnog ambijenta te šta se konkretno uradilo u vezi sa aktivnostima i rasterećenjem privrede, finansijskom podrškom privredi i šta je učinjeno u vezi sa reformom javne uprave. Zatražila je pismeni odgovor na ovo pitanje.

**Josip Perić** izrazio je nezadovoljstvo dobijenim odgovorom u vezi sa stanjem u Federalnoj upravi civilne zaštite te nezadovoljstvo u vezi sa pitanjem koje se tiče spiska preduzeća i njihovih dugova koji ne bi trebali biti tajna i ponašanjem Porezne uprave Federacije u vezi sa ovim pitanjem.

Postavio je pitanje Vladi Federacije - koliko je nezaposlenih u Federaciji bilo na dan 28.02.2009. godine, a koliko ih je nezaposleno na 28.02.2010. godine. Upitao je koliko je osoba ostalo bez posla u privatnim, a koliko u javnim institucijama.

Postavio je pitanje - na osnovu koje odluke Vlade Federacije i kome su u Kantonu 10 uplaćena sredstva od GSM licenci, te zatražio tačan iznos uplaćenih sredstava u budžet Kantona 10.

**Igor Rajner** pokrenuo je dvije inicijative prema Kolegiju Doma naroda.

Prvom inicijativom zatražio je da svaki zapisnik sadrži tabele u kojima bi se evidentiralo kako je koji delegat glasao pri izjašnjavanju o određenom pitanju.

Drugom inicijativom zatražio je da se Poslovníkom o radu Doma naroda preciznije regulira postupak u vezi sa odlučivanjem o izvještajima i informacijama, te je predložio da se Dom naroda odlukom izjašnjava o izvještajima u onim oblastima u kojima Vlada Federacije ili drugi organi imaju svoju nadležnost, a gdje nemaju tu nadležnosti da to bude informacija koja bi se primila na znanje.

**Kenan Keserović** postavio je dva pitanja.

Prvo pitanje postavio je Vladi Federacije i Federalnom ministarstvu poljoprivrede, vodoprivrede i šumarstva, a tiče se izmirenja svih potrebnih uvjeta za odlazak u penziju 90 radnika „Agrokomerca“ koji su ih ispunili. Odgovor je zatražio u pismenoj formi.

Drugo pitanje postavio je Federalnom ministarstvu razvoja poduzetništva i obrta, Federalnom zavodu za zapošljavanje i Razvojnoj banci Federacije Bosne i Hercegovine, a odnosi se na uspostavljanje posebnog namjenskog kreditnog garantnog fonda za mlade te, ako postoji, koliki je njegov iznos i da li omogućava osposobljavanje mladih za samozapošljavanje.

**Denis Zvizdić** zatražio je od Vlade Federacije dostavljanje informacije o projektu gasovoda „NABUKO“ koji zaobilazi Bosnu i Hercegovinu, a koju bi Dom naroda u formi inicijative pokrenuo ka Parlamentarnoj skupštini Bosne i Hercegovine i Vijeću ministara Bosne i Hercegovine kako bi se Bosna i Hercegovina aktivnije uključila u ovaj projekt.

**Miro Lazović** postavio je pitanje Federalnom ministarstvu zdravstva - da li su aktivnosti Federalnog zavoda za kontrolu lijekova, zbog obustavljanja registracionih djelatnosti u periodu od 2008. do polovine 2009. godine, načinile štetu budžetu Federacije Bosne i Hercegovine.

**Edin Hozan** postavio je pitanje Vladi Federacije, odnosno Federalnom ministarstvu energije, rudarstva i industrije koji su kriteriji korišteni prilikom dodjele projekata Elektroprivredi Bosne i Hercegovine i Elektroprivredi Hrvatske zajednice „Herceg-Bosna“ a tiču se izgradnje hidroelektrana.

**Besim Spahić** postavio je pitanje federalnom ministru prometa i komunikacija u vezi sa novim ugovorima o položaju, ovlaštenjima i pravima članova uprava u BH Telekomu.

**Mira Ljubijankić** postavila je dva pitanja.

Prvo pitanje postavila je Vladi Federacije, a tiče se rješavanja problema djece i ljudi sa autizmom, te je pitala da li Vlada ima određena rješenja i projekte kojim bi pomogli navedenim kategorijama.

Drugo pitanje postavila je premijeru Federacije - šta znači rečenica: „Da nema Crnkića – SDA ne bi bila na vlasti“, koju je izrekao 27.02.2010. godine u centralnom TV dnevniku.

**Svetozar Pudarić** postavio je pitanje premijeru i federalnom ministru finansija da li je 35 miliona KM na osnovu sredstava dobijenih od Međunarodnog monetarnog fonda, iz budžeta Federacije transferirano Kantonu Sarajevo. Zatražio je odgovor na ovo pitanje do 30.03.2010. godine.

**Lidija Bradara** izrazila je nezadovoljstvo nedobijanjem odgovora na pitanje koje se odnosi na nestale bugojanske Hrvate.

Postavila je pitanje Geodetskom zavodu - kada će predati dokumentaciju o izlaganju nekretnina Federalnoj geodetskoj upravi. Pitala je kakav je formalno-pravni status ovog zavoda.

Nakon postavljenih delegatskih pitanja i inicijativa prešlo se na utvrđivanje dnevnog reda.

Predsjedavajući je obavijestio delegate da je Kolegij Doma naroda predložio da se sa dnevnog reda ove sjednice skinu 15. i 16. tačka - Informacija o poslovanju HT Mostar i BH Telekoma Sarajevo i Informacija o poslovanju svih preduzeća kojim upravlja Vlada Federacije Bosne i Hercegovine - dok se ne dobije informacija o poslovanju za 2009. godinu.

Kolegij Doma naroda je, također, predložio da se u dnevni red kao 1. i 2. tač. Uvrste - Prijedlog Odluke o utvrđivanju Prijedloga Prostorne osnove Prostornog plana područja posebnih obilježja od značaja za Federaciju Bosne i Hercegovine "Autocesta na Koridoru Vc" za period od 2008. do 2028. godine, Prijedlog Odluke o imenovanju Komisije za davanje stručne ocjene u postupku izdavanja urbanističke saglasnosti za područja posebnog obilježja od značaja za Federaciju "Autocesta na Koridoru Vc", Odluka o davanju saglasnosti za prihvatanje kredita Evropske investicione banke koji se odnosi na Projekt Koridor Vc – prva faza – sjever i Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Evropske investicione banke za Projekt Koridor Vc – prva faza – sjever, dok je prijedlog Kolegija da se 9. tačka predloženog dnevnog reda razmatra kao 3. tačka.

U raspravi u vezi sa prijedlozima za uvrštavanje odluka koje se tiču Koridora Vc učestvovali su: Tomo Vidović, Elvira Abdić-Jelenović, Igor Rajner, Besim Imamović, premijer Mustafa Mujezinović i Svetozar Pudarić.

Nakon rasprave, predsjedavajući je prijedlog Kolegija dao na glasanje i, na osnovu rezultata glasanja, konstatovao da je Dom naroda, sa 35 glasova za, uz devet glasova protiv i uz sedam uzdržanih glasova, prihvatio da se Prijedlog Odluke o utvrđivanju Prijedloga Prostorne osnove Prostornog plana područja posebnih obilježja od značaja za Federaciju Bosne i Hercegovine "Autocesta na Koridoru Vc" za period od 2008. do 2028. godine; Prijedlog Odluke o imenovanju Komisije za davanje stručne ocjene u postupku izdavanja urbanističke saglasnosti za područja posebnog obilježja od značaja za Federaciju "Autocesta na Koridoru Vc" i Odluka o

davanju saglasnosti za prihvatanje kredita Evropske investicione banke koji se odnosi na Projekt Koridor Vc – prva faza – sjever i Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Evropske investicione banke za Projekt Koridor Vc – prva faza – sjever razmatraju kao 1. i 2. tačka dnevnog reda.

Lidija Bradara predložila je da se u okviru tačke - Izvještaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovin za 2007. godinu razmatra i Izvještaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovine za 2008. godinu.

Delegati su prihvatili ovaj prijedlog Lidije Bradare, kao i prijedlog da se 15. i 16. tačka predloženog dnevnog reda skinu sa dnevnog reda i prijedlog da se 9. tačka predloženog dnevnog reda razmatra kao 3. tačka.

Na osnovu rezultata glasanja, predsjedavajući je konstatovao da je Dom naroda, sa 41 glasom za, uz tri glasa protiv i uz pet uzdržanih glasova, usvojio sljedeći:

#### D N E V N I R E D

1.
  - a) Prijedlog Odluke o utvrđivanju Prijedloga Prostorne osnove Prostornog plana područja posebnih obilježja od značaja za Federaciju Bosne i Hercegovine “Autocesta na Koridoru Vc” za period od 2008. do 2028. godine,
  - b) Prijedlog Odluke o imenovanju Komisije za davanje stručne ocjene u postupku izdavanja urbanističke saglasnosti za područja posebnog obilježja od značaja za Federaciju “Autocesta na Koridoru Vc”;
2.
  - a) Odluka o davanju saglasnosti za prihvatanje kredita Evropske investicione banke za Projekt Koridor Vc – prva faza – sjever,
  - b) Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Evropske investicione banke za Projekt Koridor Vc – prva faza – sjever,
  - c) Nacrt ugovora o finansiranju između Evropske investicione banke i Bosne i Hercegovine i Federacije Bosne i Hercegovine na Koridoru Vc – prva faza – sjever,
  - d) Informacija o kreditu Evropske investicione banke za Projekt Koridor Vc – prva faza – sjever;
3. Odluka o davanju saglasnosti za prihvatanje kredita Međunarodne banke za obnovu i razvoj za Projekt poboljšanja dostupnosti finansija malih i srednjih preduzeća,
- Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne banke za obnovu i razvoj za Projekt poboljšanja dostupnosti finansija malih i srednjih preduzeća,

- Sporazum o zajmu između Bosne i Hercegovine i Međunarodne banke za obnovu i razvoj i usaglašeni zapisnik sa pregovora između Bosne i Hercegovine i Međunarodne banke za obnovu i razvoj za Projekt jačanja dostupnosti finansiranja za mala i srednja preduzeća,
  - Informacija o kreditu Međunarodne banke za obnovu i razvoj (IBRD) za Projekt poboljšanja pristupa finansijskim sredstvima za mala i srednja preduzeća;
4. Prijedlog Zakona o plaćama i naknadama u organima vlasti Federacije Bosne i Hercegovine;
  5. Prijedlog Zakona o izmjenama i dopunama Zakona o Poreznoj upravi Federacije Bosne i Hercegovine;
  6. Prijedlog Zakona o novčanim podrškama u poljoprivredi i ruralnom razvoju;
  7. Izjašnjenje o Prijedlogu Zakona o veterinarstvu u Federaciji Bosne i Hercegovine;
  8. Izjašnjenje o Prijedlogu Zakona o izmjenama i dopunama Zakona o federalnim jedinicama (predlagači: Nusret Sirčo i Mirsad Zaimović, zastupnici u Predstavničkom domu);
  9. Nacrt Zakona o javno-privatnom partnerstvu;
  10. Nacrt Zakona o finansijskoj konsolidaciji privrednih društava sa većinskim učešćem državnog kapitala u Federaciji Bosne i Hercegovine;
  11. Nacrt Zakona o zaštiti i postupanju sa djecom i maloljetnicima u krivičnom postupku;
  12. Izjašnjenje o Prijedlogu Odluke o utvrđivanju područja planine Vranica područjem posebnih obilježja od značaja za Federaciju Bosne i Hercegovine;
  13. Izjašnjenje o Prijedlogu Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Vranica“ za period od 2008. do 2028. godine;
  14. Statut Radio-televizije Federacije Bosne i Hercegovine;
  15. Program rada Vlade Federacije BiH za 2010. godinu;
  16. Izvještaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovine za 2007. godinu i Izvještaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovine za 2008. godinu;
  17. Izbori i imenovanja.

1. a) **Prijedlog Odluke o utvrđivanju Prijedloga Prostorne osnove Prostornog plana područja posebnih obilježja od značaja za Federaciju Bosne i Hercegovine "Autocesta na Koridoru Vc" za period od 2008. do 2028. godine**
  - b) **Prijedlog Odluke o imenovanju Komisije za davanje stručne ocjene u postupku izdavanja urbanističke saglasnosti za područja posebnog obilježja od značaja za Federaciju "Autocesta na Koridoru Vc"**
- 
- a) **Prijedlog Odluke o utvrđivanju Prijedloga Prostorne osnove Prostornog plana područja posebnih obilježja od značaja za Federaciju Bosne i Hercegovine "Autocesta na Koridoru Vc" za period od 2008. do 2028. godine**

Prijedlog Odluke utvrdila je Vlada Federacije.

Odluku je obrazložio Adnan Efendić, sekretar Federalnog ministarstva prostornog uređenja.

U raspravi su učestvovali: Tomo Vidović, premijer Mustafa Mujezinović i Hanka Mušinbegović, pomoćnica federalnog ministra prostornog uređenja.

Na osnovu rezultata glasanja, predsjedavajući je konstatovao da je Dom naroda, sa 35 glasova za, uz dva glasa protiv i uz pet uzdržanih glasova, usvojio Prijedlog Prostorne osnove Prostornog plana područja posebnih obilježja od značaja za Federaciju Bosne i Hercegovine "Autocesta na Koridoru Vc" za period od 2008. do 2028. godine, sa Zaključcima Vlade Federacije.

- b) **Prijedlog Odluke o imenovanju Komisije za davanje stručne ocjene u postupku izdavanja urbanističke saglasnosti za područja posebnog obilježja od značaja za Federaciju "Autocesta na Koridoru Vc"**

Prijedlog Odluke utvrdila je Vlada Federacije na osnovu Zakona o dopuni Zakona o prostornom planiranju i korištenju zemljišta na nivou Federacije Bosne i Hercegovine, kojom je predviđeno da Parlament Federacije imenuje ovu komisiju od predstavnika Federalnog ministarstva prostornog uređenja i po jednog predstavnika iz kantonalnih ministarstava prostornog uređenja odnosnih područja.

U raspravi su učestvovali: Radoje Vidović, Svetozar Pudarić, Lidija Bradara, koja je predložila da se imenuje i predstavnik Srednjobosanskog kantona i premijer Mustafa Mujezinović, koji je izjavio da će Vlada Federacije naknadno odlučiti o predstavniku Srednjobosanskog kantona, što je u pauzi sjednice i učinjeno, te je Vlada Federacije predložila Vladislava Vavru za predstavnika Srednjobosanskog kantona.

Na osnovu rezultata glasanja, predsjedavajući je konstatovao da je Dom naroda, sa 31 glasom za, uz šest glasova protiv i uz šest uzdržanih

glasova, usvojio Odluku o imenovanju Komisije za davanje stručne ocjene u postupku izdavanja urbanističke saglasnosti za područja posebnog obilježja od značaja za Federaciju "Autocesta na Koridoru Vc" u koju su imenovani:

1. **Davor Kordić**, predstavnik Zapadnohercegovačkog kantona,
2. **Mirzeta Topalović**, predstavnik Posavskog kantona,
3. **Rasim Kovač**, predstavnik Zeničko-dobojskog kantona,
4. **Abdulah Krivošija**, predstavnik Kantona Sarajevo,
5. **Adnan Efendić**, predstavnik Federalnog ministarstva prostornog uređenja,
6. **Mahira Filipović–Đikić**, predstavnica Federalnog ministarstva prostornog uređenja,
7. **Hanka Mušinbegović**, predstavnica Federalnog ministarstva prostornog uređenja,
8. **Danijel Čapelj**, predstavnik Federalnog ministarstva prostornog uređenja,
9. **Fatima Hadžibegić**, predstavnica Federalnog ministarstva prostornog uređenja,
10. **Srećko Boras**, predstavnik Hercegovačko-neretvanskog kantona,
11. **Vladislav Vavra**, predstavnik Srednjobosanskog kantona.

2. a) **Odluka o davanju saglasnosti za prihvatanje kredita Evropske investicione banke za Projekt Koridor Vc – prva faza – sjever**
- b) **Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Evropske investicione banke za Projekt Koridor Vc – prva faza – sjever**
- c) **Nacrt ugovora o finansiranju između Evropske investicione banke i Bosne i Hercegovine i Federacije Bosne i Hercegovine na Koridoru Vc – prva faza – sjever**
- d) **Informacija o kreditu Evropske investicione banke za Projekt Koridor Vc – prva faza – sjever**

Odluke je utvrdila Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 26. sjednice od 17.11.2009. godine donio odluke kojima je odobrio ove odluke.

U raspravi nije niko učestvovao, pa se pristupilo glasanju o svakoj odluci posebno.



**a) Odluka o davanju saglasnosti za prihvatanje kredita Evropske investicione banke za Projekt Koridor Vc – prva faza – sjever**

Na osnovu rezultata glasanja, predsjedavajući je konstatovao da je Dom naroda, sa 37 glasova za, uz tri glasa protiv i uz dva uzdržana glasa, donio Odluku kojom je odobrio Odluku o davanju saglasnosti za prihvatanje kredita Evropske investicione banke za Projekt Koridor Vc – prva faza – sjever.

**b) Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Evropske investicione banke za Projekt Koridor Vc – prva faza – sjever**

Na osnovu rezultata glasanja, predsjedavajući je konstatovao da je Dom naroda, sa 39 glasova za, uz dva glasa protiv i uz jedan uzdržani glasom, donio Odluku kojom je odobrio Odluku o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije Bosne i Hercegovine za kredit Evropske investicione banke za Projekat Koridor Vc – prva faza – sjever.

**c) Nacrt ugovora o finansiranju između Evropske investicione banke i Bosne i Hercegovine i Federacije Bosne i Hercegovine na Koridoru Vc – prva faza – sjever**

**d) Informacija o kreditu Evropske investicione banke za Projekt Koridor Vc – prva faza – sjever**

Dom naroda je primio na znanje ovaj nacrt i Informaciju.

- 3. Odluka o davanju saglasnosti za prihvatanje kredita Međunarodne banke za obnovu i razvoj za Projekt poboljšanja dostupnosti finansija malih i srednjih preduzeća**
- **Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne banke za obnovu i razvoj za Projekt poboljšanja dostupnosti finansija malih i srednjih preduzeća**
  - **Sporazum o zajmu između Bosne i Hercegovine i Međunarodne banke za obnovu i razvoj i usaglašeni zapisnik sa pregovora između Bosne i Hercegovine i Međunarodne banke za obnovu i razvoj za Projekt jačanja dostupnosti finansiranja za mala i srednja preduzeća**
  - **Informacija o kreditu Međunarodne banke za obnovu i razvoj (IBRD) za Projekt poboljšanja pristupa finansijskim sredstvima za mala i srednja preduzeća**

Odluke je utvrdila Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 29. sjednice od 09.03.2010. godine donio odluke kojima je odobrio ove odluke.

U raspravi nije niko učestvovao, pa se pristupilo glasanju o svakoj odluci posebno.

- **Odluka o davanju saglasnosti za prihvatanje kredita Međunarodne banke za obnovu i razvoj za Projekt poboljšanja dostupnosti finansija malih i srednjih preduzeća**

Na osnovu rezultata glasanja, predsjedavajući je konstatovao da je Dom naroda, sa 41 glasom za i uz jedan glas protiv, donio Odluku kojom je odobrio Odluku o davanju saglasnosti za prihvatanje kredita Međunarodne banke za obnovu i razvoj za Projekt poboljšanja dostupnosti finansija malih i srednjih preduzeća.

- **Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne banke za obnovu i razvoj za Projekt poboljšanja dostupnosti finansija malih i srednjih preduzeća**

Na osnovu rezultata glasanja, predsjedavajući je konstatovao da je Dom naroda, sa 40 glasova za i uz dva glasa protiv, donio Odluku kojom je odobrio Odluku o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne banke za obnovu i razvoj za Projekt poboljšanja dostupnosti finansija malih i srednjih preduzeća.

**- Sporazum o zajmu između Bosne i Hercegovine i Međunarodne banke za obnovu i razvoj i usaglašeni zapisnik sa pregovora između Bosne i Hercegovine i Međunarodne banke za obnovu i razvoj za Projekt jačanja dostupnosti finansiranja za mala i srednja preduzeća**

Na osnovu rezultata glasanja, predsjedavajući je konstatovao da je Dom naroda, jednoglasno, (40 glasova za) odobrio Sporazum o zajmu između Bosne i Hercegovine i Međunarodne banke za obnovu i razvoj i usaglašeni zapisnik sa pregovora između Bosne i Hercegovine i Međunarodne banke za obnovu i razvoj za Projekt jačanja dostupnosti finansiranja za mala i srednja preduzeća.

- Informacija o kreditu Međunarodne banke za obnovu i razvoj (IBRD) za Projekt poboljšanja pristupa finansijskim sredstvima za mala i srednja preduzeća

Dom naroda je primio na znanje navedenu Informaciju.

#### **4. Prijedlog Zakona o plaćama i naknadama u organima vlasti Federacije Bosne i Hercegovine**

Prijedlog Zakona utvrdila je Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Na Prijedlog Zakona amandmane su podnijeli: zajednički jedan amandman Josip Perić, Slobodan Tomić, Alija Begović, Besim Imamović i Vanja Krneta, Besim Imamović tri amandmana, Mika Lešić jedan amandman, Mladen Lonić dva amandmana, Ramo Isak jedan amandman i Kolegij Doma naroda jedan amandman.

Amandmani su dostavljeni Vladi Federaciji na izjašnjenje.

Prijedlog Zakona obrazložio je Feliks Vidović, federalni ministar pravde.

U raspravi su učestvovali: Elvira Abdić-Jelenović, Saša Magazinović, Lidija Bradara, Igor Rajner, Svetozar Pudarić, Tomo Vidović, Josip Perić, Emir Frašto, Alija Begović i Feliks Vidović, federalni ministar pravde, koji se ispred Vlade Federacije izjasnio o podnesenim amandmanima.

Izjavio je da Vlada Federacije prihvata sljedeće amandmane:

- amandman koji su podnijeli zajednički Josip Perić, Slobodan Tomić, Alija Begović, Besim Imamović i Vanja Krneta, odnosi se na član 24. koji glasi:

„U članu 24. – *Platni razredi i koeficijenti za namještenike* - koeficijenti u platnim razredima od I. do VI. mijenjaju se i glase:

<b>Platni razred</b>	<b>Radno mjesto</b>	<b>Koeficijent</b>
I.	- šef unutrašnje organizacijske jedinice (VŠS)	2,80
II.	- viši samostalni referent (VŠS)	2,70
III.	- samostalni referent (VŠS)	2,50
IV.	- šef unutrašnje organizacijske jedinice (SSS)	2,45
V.	- viši referent (SSS) i VKV radnik	2,40
VI.	- referent (SSS) i KV radnik III. i IV. stepena	2,30

Dosadašnji VII. platni razred i koeficijet za namještenike: „VII. - pomoćni radnik i nekvalifikovani radnik (NK radnik) koeficijent 1,50 ostaje isti.“

Amandman III. Besima Imamovića koji se odnosi na član 54. i djelimično Amandman II. koji se odnosi na član 53. glase:

“U članu 53. – *Platni razredi, činovi i koeficijenti za policijske službenike i službenike sudske policije* - koeficijenti u platnim razredima X. i XI. mijenjaju se i glase:

<b>Platni razred</b>	<b>Radno mjesto</b>	<b>Koeficijent</b>
X.	- stariji policajac, - stariji sudski policajac	2,40
XI.	- policajac - sudski policajac	2,30

“U članu 54. – *Platni razredi, službena zvanja i koeficijenti za službenike zatvorske policije – straže* - koeficijenti u platnim razredima IV., V., VI. i VII. mijenjaju se i glase:

<b>Platni razred</b>	<b>Radno mjesto</b>	<b>Koeficijent</b>
IV.	- nadzornik zatvorske policije - straže	2,60
V.	- stariji zatvorski policajac – stražar prve klase	2,50
VI.	- stariji zatvorski policajac - stražar	2,40
VII.	- zatvorski policajac - stražar	2,30

Amandmani Mladena Lonića, koji se odnose na čl. 28. i 55. (identični amandmanima Rame Isaka) glase:

“U članu 28. u stavu 1. tačka 4) se briše.”

U članu 55. u stavu 1. iza riječi: “policijskih službenika” dodaju se riječi: “službenika sudske policije”.

U stavu 4. ovog člana iza riječi: “ministar unutarašnjih poslova” dodaju se riječi: “predsjednik Vrhovnog suda Federacije Bosne i Hercegovine”.

Amandman Kolegija Doma naroda koji se odnosi na dodavanje novog člana u Poglavlju II. glasi:

U Poglavlju II. - PLAĆE I NAKNADE IZABRANIH DUŽNOSNIKA, NOSIOCA IZVRŠNIH FUNKCIJA I SAVJETNIKA U ORGANIMA ZAKONODAVNE I IZVRŠNE VLASTI FEDERACIJE dodaje se novi član koji glasi:

*„Stalno mjesečno novčano primanje (paušal)*

Izabrani dužnosnici imaju pravo na paušal na ime povećanih materijalnih troškova u vršenju svoje funkcije o čemu zajednički odlučuju administrativne komisije domova Parlamenta Federacije Bosne i Hercegovine.

Paušal iz stava 1. ovog člana ne može biti veći od jedne prosječne plaće isplaćene u Federaciji prema posljednjem objavljenom podatku Federalnog zavoda za statistiku."

Također je izjavio da prihvata prijedlog za ispravku tehničke greške u članu 5. u stavu 1. u drugom redu Prijedloga Zakona, koja se odnosi na to da se iza riječi „na“ riječ „osnovicu“ briše, te je prihvatio primjedbe pravno-tehničke prirode Zakonodavno-pravne komisije Doma naroda, dok primjedbe materijalne prirode nisu prihvaćene.

Potom je predsjedavajući pozvao delegate čiji amandmani nisu prihvaćeni da se izjasne da li odustaju od podnesenih amandmana.

Mika Lešić izjavio je da ne odustaje od podnesenog amandmana, te ga je predsjedavajući dao na glasanje.

Na osnovu rezultata glasanja, predsjedavajući je konstatovao da Dom naroda nije usvojio amandman Mike Lešića jer je za glasalo 26 delegata, sedam delegata je bilo protiv, a devet delegata je bilo uzdržano.

Kako je izražena sumnja u rezultate glasanja, pristupilo se poimeničnom glasanju koje je obavio Izmir Hadžavdić, sekretar Doma naroda.

Na osnovu rezultata poimeničnog glasanja, predsjedavajući je konstatovao da je Dom naroda, sa 31 glasom za, uz 11 glasova protiv i uz 12 uzdržanih glasova, usvojio amandman Mike Lešića koji glasi:

U članu 10. dodaju se st. 4., 5. i 6. koji glase:

“Izabrani dužnosnik – zastupnik nakon prestanka mandata ima pravo na starosnu penziju ako ima najmanje 20 godina penzijskog staža i navršenih 50 godina života (za muškarce) ili 50 godina (za žene).

Izabranom dužnosniku – zastupniku u Federaciji, na osnovu ovog Zakona, pripada starosna penzija u visini od 65% ostvarene netoplaće posljednjeg mjeseca, što će mu činiti penzijsku osnovicu, a povećava se za 2% za svaku narednu godinu završenog starosnog radnog staža, s tim da najviša penzija ne može preći iznos od najveće penzije isplaćene u Federaciji.

Članovima porodice umrlog korisnika ove penzije porodična penzija određuje se u visini od 60% korisničke penzije na dan smrti korisnika.”

Besim Imamović izjavio je da ne odustaje od Amandmana I. koji Vlada Federacije nije prihvatila, a odnosi se na član 9., te ga je predsjedavajući dao na glasanje i konstatovao da amandman nije dobio potrebnu većinu glasova jer je za glasalo 23 delegata, osam delegata je bilo protiv, a 13 delegata je bilo uzdržano.

Potom se prešlo na glasanje o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda, sa 33 glasa za, uz osam glasova protiv i uz tri uzdržana glasa, usvojio Prijedlog Zakona o plaćama i naknadama u organima vlasti Federacije Bosne i Hercegovine.

Budući da je izražena sumnja u rezultate glasanja, prešlo se na poimenično glasanje koje je obavio Izmir Hadžić, sekretar Doma naroda.

Na osnovu rezultata poimeničnog glasanja, predsjedavajući je konstatovao da je Dom naroda, sa 39 glasova za, uz osam glasova protiv i uz šest uzdržanih glasova, usvojio Prijedlog Zakona o plaćama i naknadama u organima vlasti Federacije Bosne i Hercegovine.

## **5. Prijedlog Zakona o izmjenama i dopunama Zakona o Poreznoj upravi Federacije Bosne i Hercegovine**

Prijedlog Zakona utvrdila je Vlada Federacije.

Predstavnički dom je na nastavku 29. sjednice od 09.03.2010. godine usvojio Prijedlog Zakona sa dva amandmana Vlade Federacije i pet amandmana koje je Vlada Federacije prihvatila i koji su postali sastavni dio Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Na Prijedlog Zakona amandmane su podnijeli: Josip Perić tri amandmana, Slobodan Tomić tri amandmana, Bojan Bošnjak jedan amandman, Asim Kamber četiri amandmana, Besim Imamović jedan amandman i Igor Rajner tri amandmana.

Prijedlog Zakona obrazložio je Hajrudin Hadžimehanović, pomoćnik federalnog ministra finansija.

U raspravi su učestvovali: Lidija Bradara, Ivo Komšić, Dženana Zlatar, Vjekoslav Bevanda, federalni ministar finansija, Denis Zvizdić, Hajrudin Hadžimehanović, pomoćnik federalnog ministra finansija, Tomo Vidović, Asim Kamber, Alija Begović, Igor Rajner i Josip Perić.

Alija Begović je, ispred Kluba delegata bošnjačkog naroda, predložio Zaključak koji je, ispred Vlade Federacije, prihvatio Vjekoslav Bevanda, federalni ministar finansija.

## ZAKLJUČAK

1. Zadužuje se Vlada Federacije da u roku od 60 dana pripremi i u parlamentarnu proceduru uputi izmjene i dopune svih zakona kojima će se direktorima svih upravnih i samostalnih organizacija, umjesto postojećeg statusa državnog službenika potvrditi mandatni četverogodišnji period vršenja funkcije.
2. Izmjene i dopune tih zakona mogu tretirati promjenu statusa i drugih državnih službenika za koje Vlada Federacije odluči da trebaju biti izmijenjeni.

Nakon toga predsjedavajući je pozvao predstavnika Vlade Federacije da se izjasni o podnesenim amandmanima.

Predstavnik Vlade Federacije Hajrudin Hadžimehanović, pomoćnik federalnog ministra finansija, izjavio je da se amandmani ne prihvataju.

Ivo Komšić je u raspravi predložio da se Prijedlog Zakona zajedno sa Zakonom o Poreznoj upravi Federacije Bosne i Hercegovine dostavi Ustavnom sudu Federacije Bosne i Hercegovine radi ocjene ustavnosti.

Nakon toga predsjedavajući je prekinuo sjednicu.

Sjednica je prekinuta u 16.14.

### **NASTAVAK SJEDNICE OD 29. APRILA 2010. GODINE**

Sjednica je počela u 10.37.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, premijera Federacije Mustafu Mujezinovića, ministre u Vladi Federacije Bosne i Hercegovine, predstavnike udruženja, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdali su: Jasenko Tufekčić, Saša Magazinović, Besim Spahić, Kenan Keserović, Daliborka Milović i Tomo Vidović.

Na osnovu evidencije Stručne službe, predsjedavajući je konstatovao da sjednici prisustvuje 41 delegat, što čini većinu, te Dom naroda može raditi i punovažno odlučivati.

Prije prelaska na rad, predsjedavajući je podsjetio delegate na preostale tačke dnevnog reda i prešao na rad.

## **5. Prijedlog Zakona o izmjenama i dopunama Zakona o Poreznoj upravi Federacije Bosne i Hercegovine**

Prijedlog Zakona utvrdila je Vlada Federacije.

Predstavnički dom je na nastavku 29. sjednice od 9.3.2010. usvojio Prijedlog Zakona sa dva amandmana Vlade Federacije i pet amandmana koje je Vlada Federacije prihvatila na sjednici Predstavničkog doma, pa su postali sastavni dio Prijedloga Zakona.

Na Prijedlog Zakona amandmane su podnijeli: Josip Perić (tri amandmana), Slobodan Tomić (tri amandmana), Bojan Bošnjak (jedan amandman), Asim Kamber (četiri amandmana) i Igor Rajner (tri amandmana).

Amandmani su dostavljeni Vladi Federacije na izjašnjenje.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Hajrudin Hadžimehanović, pomoćnik federalnog ministra finansija, koji se izjasnio o podnesenim amandmanima.

Izjavio je da Vlada Federacije prihvata amandmane Asima Kambara, koji su istovjetni amandmanima Igora Rajnera dok ostale amandmane ne prihvata.

Prihvaćeni amandmani glase:

### **Amandman I.**

U članu 1. u stavu 2. iza riječi: „članarina turističkih zajednica“ piše se zarez i dodaju riječi: „članarina obrtničkih komora“.

### **Amandman II.**

U članu 1. iza stava 5. dodaje se novi stav 6. koji glasi:

„Pod članarinom obrtničkih komora u smislu stava 2. ovog člana podrazumijeva se članarina koju su dužni plaćati obrtnici i lica koja obavljaju srodne djelatnosti u određenom procentu utvrđenom Pravilnikom o visini članarine, njenoj raspodjeli između udruženja obrtnika i udruženja lica koje obavljaju srodne djelatnosti, obrtničkih komora kantona i Obrtničke komore Federacije Bosne i Hercegovine.“



### **Amandman III.**

U članu 2. u novoj tački 1. iza alineje 5. dodaje se nova alineja koja glasi:

„- Članarine obrtničkih komora su novčane obaveze koje su dužni plaćati članovi obrtničke komore u skladu sa Zakonom o obrtu i srodnim djelatnostima.“

U pretresu su učestvovali: Igor Rajner, Ramo Isak, Alija Begović i Hajrudin Hadžimehanović, pomoćnik federalnog ministra finansija.

Nakon zaključenja pretresa, predsjedavajući je pozvao delegate čije amandmane Vlada nije prihvatila da se izjasne da li ostaju pri svojim amandmanima.

Budući da podnosioci amandmana nisu odustali od svojih amandmana, predsjedavajući ih je stavio na glasanje i konstatovao sljedeće:

- Dom naroda nije usvojio amandmane Josipa Perića koji se odnose na čl. 18., 39. i 40., jer je za glasalo 20 delegata, dva delegata su bila protiv, a 17 delegata je bilo uzdržano;
- Dom naroda nije usvojio amandmane Slobodana Tomića koji se odnose na čl. 18., 39. i 40., jer je za glasalo 16 delegata, a 24 delegata su bila uzdržana;
- Dom naroda nije usvojio amandman Bojana Bošnjaka koji se odnosi na član 39., jer je za glasalo 13 delegata, pet delegata je bilo protiv, a 22 delegata su bila uzdržana.

Nakon toga, prešlo se na glasanje o Prijedlogu Zakona.

Na osnovu rezultata glasanja, predsjedavajući je konstatovao da Dom naroda nije usvojio Prijedlog Zakona o izmjenama i dopunama Zakona o Poreznoj upravi Federacije Bosne i Hercegovine, jer je za glasalo 28 delegata, pet delegata je bilo protiv, a osam delegata je bilo uzdržano.

Budući da je izražena sumnja u rezultate glasanja, pristupilo se poimeničnom glasanju koje je obavio Izmir Hadžavdić, sekretar Doma naroda.

Na osnovu rezultata poimeničnog glasanja, predsjedavajući je konstatovao da je Dom naroda, sa 32 glasa za, uz jedan uzdržani glas i uz 12 glasova protiv, usvojio Prijedlog Zakona o izmjenama i dopunama Zakona o Poreznoj upravi Federacije Bosne i Hercegovine.

Kako je Prijedlog Zakona usvojen u različitom tekstu u oba doma Parlamenta Federacije Bosne i Hercegovine **potrebno ga je usaglasiti.**

## 6. Prijedlog Zakona o novčanim podrškama u poljoprivredi i ruralnom razvoju

Prijedlog Zakona utvrdila je Vlada Federacije.

Predstavnički dom je na 29. sjednici od 23.2.2010. usvojio Prijedlog Zakona sa tri amandmana Vlade Federacije i tri amandmana koje je Vlada Federacije prihvatila na sjednici Predstavničkog doma, pa su postali sastavni dio Prijedloga Zakona.

Na Prijedlog Zakona amandmane su podnijeli: Alija Begović (tri amandmana), Mladen Lonić (pet amandmana), Slobodan Tomić (tri amandmana) i Edin Hozan (jedan amandman).

Amandmani su dostavljeni Vladi Federacije na izjašnjenje.

Vlada Federacije je dostavila izjašnjenje o amandmanima.

Prijedlog Zakona obrazložio je Pejo Janjić, pomoćnik federalnog ministra poljoprivrede, vodoprivrede i šumarstva.

Ispred Odbora za poljoprivredu, vodoprivredu i šumarstvo Izvještaj je obrazložio Zoran Budimić, predsjednik Odbora.

U pretresu su učestvovali: Muhamed Osmić, Elvira Abdić-Jelenović, Alija Begović, Edin Hozan, Igor Rajner, Lidija Bradara, Damir Ljubić, federalni ministar poljoprivrede, vodoprivrede i šumarstva, Nikola Simić, Mika Lešić i Mislav Sučić.

Nakon zaključenja pretresa, predsjedavajući je konstatovao da je Vlada Federacije u Izjašnjenju o amandmanima prihvatila Amandman I. Elvire Abdić-Jelenović, djelomično prihvatila Amandman III. i u cijelosti Amandman V. Mladena Lonića i Amandman III. Slobodana Tomića.

U pretresu o Prijedlogu Zakona Alija Begović je modifikovao svoj Amandman II. koji je Vlada Federacije prihvatila, dok je od I. i III. amandmana odustao.

Prihvaćeni amandmani glase:

### **Amandman Elvire Abdić-Jelenović:**

U članu 12. u stavu 1. u tački b) podtačka 5. iza riječi: „košnice pčela“ piše se zarez i dodaju riječi: „uzgoj pčelinjih zajednica“.

**Amandman III. Slobodana Tomića:**

U članu 4. u stavu 2. iza riječi „ostvarivanje“ dodaju se riječi: „koji nisu propisani ovim zakonom“.

**Modifikovani Amandman II. Alije Begovića:**

U članu 16. u stavu 1. dodaje se nova rečenica koja glasi:

„U Programu podrški odredit će se procentualni iznosi sredstava iz modela kapitalnih ulaganja za pojedine kantone na osnovu poljoprivrednih resursa kantona, pri čemu za svaki kanton ne može biti planirano manje od 3% planiranih sredstava.“

Prihvaćeni amandmani III. i V. Mladena Lonića istovjetni su amandmanima koje je Vlada Federacije prihvatila na sjednici Predstavničkog doma.

Nakon toga, predsjedavajući je pozvao podnosiocima amandmana da se izjasne da li odustaju od amandmana koje Vlada Federacije nije prihvatila.

Slobodan Tomić je izjavio da odustaje od svojih amandmana.

Budući da Elvira Abdić-Jelenović i Mladen Lonić nisu odustali od svojih amandmana, predsjedavajući ih je stavio na glasanje i konstatovao sljedeće:

- Dom naroda nije usvojio amandmane II. i III. Elvire Abdić-Jelenović, koji se odnose na čl. 27. i 28., jer je za glasalo 13 delegata, 13 delegata je bilo protiv i 13 uzdržanih;
- Dom naroda nije usvojio amandmane I., II. i IV. Mladena Lonića koji se odnose na čl. 7., 8. i 14., jer je za glasalo 11 delegata, 11 delegata je bilo protiv i 16 delegata je bilo uzdržano.

Damir Ljubić, federalni ministar poljoprivrede, vodoprivrede i šumarstva, izjavio je da se Amandman Edina Hozana može prihvatiti kao ispravka tehničke prirode, koja glasi:

U članu 27. stav 3. i članu 28. stav 2. riječi: „po potrebi“ se brišu.

Potom se prešlo na glasanje o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda, sa 33 glasa za, uz jedan glas protiv i uz šest uzdržanih glasova, usvojio Prijedlog Zakona o novčanim podrškama u poljoprivredi i ruralnom razvoju.

Budući da je Prijedlog Zakona usvojen u različitom tekstu u oba doma Parlamenta Federacije Bosne i Hercegovine **potrebno ga je usaglasiti**.

## **7. Izjašnjenje o Prijedlogu Zakona o veterinarstvu u Federaciji Bosne i Hercegovine**

Predsjedavajući je podsjetio delegate da je Predstavnički dom Parlamenta Federacije na nastavku 26. sjednice, održane 17.11.2009. godine, usvojio Prijedlog Zakona o veterinarstvu u Federaciji Bosne i Hercegovine sa 16 amandmana Vlade Federacije koje je pripremila Federalno ministarstvo vodoprivrede, poljoprivrede i šumarstva izrađenih na osnovu primjedbi zastupnika iznesenih u raspravi o Prijedlogu Zakona.

Ove amandmane Vlada Federacije je prihvatila, pa su postali sastavni dio Prijedloga Zakona.

Na 27. sjednici Doma naroda, održanoj 3.12.2009. godine, odgođeno je izjašnjavanje o Prijedlogu Zakona, jer je Klub delegata bošnjačkog naroda zatražio da Ured za veterinarstvo Bosne i Hercegovine i Zakonodavno-pravna komisija Doma naroda daju mišljenje o Prijedlogu Zakona.

Prije glasanja Domu naroda obratio se Damir Ljubić, federalni ministar poljoprivrede, vodoprivrede i šumarstva.

Na osnovu rezultata glasanja, predsjedavajući je konstatovao da Dom naroda nije usvojio Prijedlog Zakona o veterinarstvu u Federaciji Bosne i Hercegovine, jer je za glasalo 18 delegata, šest je bilo protiv i 17 uzdržanih.

S obzirom na to da je izražena sumnja u rezultate glasanja, pristupilo se poimeničnom glasanju koje je obavio Izmir Hadžić, sekretar Doma naroda.

Na osnovu rezultata poimeničnog glasanja, predsjedavajući je konstatovao da Dom naroda **nije usvojio** Prijedlog Zakona o veterinarstvu u Federaciji Bosne i Hercegovine, jer je za glasalo 18 delegata, dva delegata su bila protiv i 20 delegata je bilo uzdržano.

## 8. Izjašnjenje o Prijedlogu Zakona o izmjenama i dopunama Zakona o federalnim jedinicama

Predlagači Zakona su Nusret Sirčo i Mirsad Zaimović, zastupnici u Predstavničkom domu.

Prijedlog Zakona dostavljen je Vladi Federacije radi davanja mišljenja.

Predsjedavajući je podsjetio delegate da je Predstavnički dom Parlamenta Federacije na nastavku 22. sjednice, održane 28.5.2009. godine, usvojio Prijedlog Zakona u tekstu kako su ga predložili predlagači.

Dom naroda je na nastavku 24. sjednice od 15.9.2009. godine razmatrao Prijedlog Zakona i usvojio Zaključak kojim je odgodio izjašnjavanje o Prijedlogu Zakona za 90 dana i zadužio Vladu Federacije da u ovom roku dostavi Zakon koji bi riješio pitanja iz ove oblasti.

Ustavne komisije oba doma Parlamenta Federacije dostavile su 9.1.2010. godine Izvještaj u kojem su zauzele stav da Vlada Federacije provede Zaključak Doma naroda i definira jedinstveni princip i proceduru za izmjenu granica kantona i općina u Federaciji Bosne i Hercegovine.

Nakon toga, predsjedavajući je stavio na glasanje Prijedlog Zakona o izmjenama i dopunama Zakona o federalnim jedinicama.

Na osnovu rezultata poimeničnog glasanja koje je obavio Izmir Hadživdić, sekretar Doma naroda, predsjedavajući je konstatovao da Dom naroda **nije usvojio** Prijedlog Zakona o izmjenama i dopunama Zakona o federalnim jedinicama, jer su za glasala 24 delegata, četiri delegata su bila protiv, a 12 delegata je bilo uzdržano.

## 9. Nacrt Zakona o javno-privatnom partnerstvu

Nacrt Zakona utvrdila je Vlada Federacije.

Predstavnički dom je na nastavku 29. sjednice od 9.3.2010. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Izet Mehinagić, pomoćnik federalnog ministra prometa i komunikacija.

Ispred Odbora za ekonomsku i razvojnu politiku, finansije i budžet i Odbora za privredu izvještaj je obrazložila Vanja Broćeta, predsjednica Odbora za ekonomsku i razvojnu politiku, finansije i budžet.

U pretresu su učestvovali: Elvira Abdić-Jelenović, Svetozar Pudarić, Asim Kamber, Igor Rajner, Izet Mehinagić, pomoćnik federalnog ministra prometa i komunikacija, Vanja Broćeta i Nikola Simić.

Na osnovu rezultata glasanja, predsjedavajući je konstatovao da Dom naroda **nije prihvatio** Nacrt Zakona o javno-privatnom partnerstvu, jer su za glasala 22 delegata, 13 delegata je bilo protiv, a četiri delegata su bila uzdržana.

#### **10. Nacrt Zakona o finansijskoj konsolidaciji privrednih društava sa većinskim učešćem državnog kapitala u Federaciji Bosne i Hercegovine**

Nacrt Zakona utvrdila je Vlada Federacije.

Predstavnički dom je na nastavku 29. sjednice od 9.3.2010. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložila je Jasmina Pašić, pomoćnica federalnog ministra energije, rudarstva i industrije.

Ispred Odbora za ekonomsku i razvojnu politiku, finansije i budžet izvještaj je obrazložila Vanja Broćeta, predsjednica Odbora.

U pretresu su učestvovali: Lidija Bradara, Elvira Abdić-Jelenović, Mislav Sučić, Svetozar Pudarić, Josip Perić, Igor Rajner, Anđelko Mikulić i Muhamed Osmić.

Na osnovu rezultata glasanja, predsjedavajući je konstatovao da Dom naroda **nije prihvatio** Nacrt Zakona o finansijskoj konsolidaciji privrednih društava sa većinskim učešćem državnog kapitala u Federaciji Bosne i Hercegovine, jer je za glasalo 14 delegata, 20 delegata je bilo protiv, a osam delegata je bilo uzdržano.

## **11. Nacrt Zakona o zaštiti i postupanju sa djecom i maloljetnicima u krivičnom postupku**

Nacrt Zakona utvrdila je Vlada Federacije.

Predstavnički dom je na nastavku 29. sjednice od 9.3.2010. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt zakona obrazložio je Feliks Vidović, federalni ministar pravde.

U pretresu su učestvovali: Mira Ljubijankić, Igor Rajner, Mirsad Pindžo i Mislav Sučić.

Na osnovu rezultata glasanja, predsjedavajući je konstatovao da je Dom naroda, sa 38 glasova za i uz jedan glas protiv, usvojio sljedeći:

### **ZAKLJUČAK**

1. Dom naroda Parlamenta Federacije Bosne i Hercegovine prihvaća Nacrt Zakona o zaštiti i postupanju sa djecom i maloljetnicima u krivičnom postupku i smatra da može poslužiti kao osnov za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

Sjednica je prekinuta u 16.22.

### **NASTAVAK SJEDNICE OD 27. MAJA 2010. GODINE**

Sjednica je počela u 10.30.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, zamjenika premijera Federacije Bosne i Hercegovine Vjekoslava Bevandu, ministre u Vladi Federacije Bosne i Hercegovine, predstavnike međunarodnih organizacija, udruženja, goste i predstavnike akreditiranih medijskih kuća koji prate rad sjednice.

Izostanak sa sjednice opravdali su: Jasenko Tufekčić, Saša Magazinović, Zoran Budimić, Slobodan Zivlak, Muharem Serbezovski i Miro Lazović.

Na osnovu evidencije Stručne službe, predsjedavajući je konstatovao da sjednici prisustvuju 42 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate na preostale tačke dnevnog reda i potom prešao na rad.

## **12. Izjašnjenje o Prijedlogu Odluke o utvrđivanju područja planine Vranica područjem posebnih obilježja od značaja za Federaciju Bosne i Hercegovine**

## **13. Izjašnjenje o Prijedlogu Odluke o pristupanju izradi Prostornog plana područja posebnih obilježja od značaja za Federaciju Bosne i Hercegovine „Vranica“ za period od 2008. do 2028. godine**

Predsjedavajući je podsjetio delegate da je na nastavku 26. sjednice od 5.11.2009. godine odgođeno izjašnjavanje o ovim odlukama dok općinska vijeća ne dostave svoja izjašnjenja o ovim odlukama.

Predstavnički dom je na nastavku 18. sjednice od 13.1.2009. godine donio ove odluke.

Federalno ministarstvo prostornog uređenja dostavilo je zaključke općinskih vijeća Fojnice, Gornjeg Vakufa – Uskoplja i Novog Travnika.

Budući da sjednici nije prisustvovao predstavnik Vlade Federacije, predsjedavajući je predložio da se izjašnjenje o ovim odlukama odloži za 31. sjednicu, dok nadležno radno tijelo i Vlada Federacije ne razmotre dostavljene zaključke općinskih vijeća, što su delegati prihvatili.

## **14. Statut RTV Federacije Bosne i Hercegovine**

Na osnovu člana 10. Zakona o Javnom servisu RTV Federacije Bosne i Hercegovine, Statut donosi Upravni odbor a potvrđuje ga Parlament Federacije Bosne i Hercegovine.

Predsjedavajući je podsjetio delegate da je Predstavnički dom na nastavku 25. sjednice od 16.2.2010. godine donio Odluku kojom je potvrdio Statut.

Statut su razmatrala nadležna radna tijela i dostavila svoje izvještaje.

Upravni odbor RTV Federacije Bosne i Hercegovine je 28.4.2010. godine dostavio dopis kojim predlaže povlačenje Statuta iz parlamentarne procedure.

Predsjedavajući je predložio da se Statut skine sa dnevnog reda, što su delegati prihvatili.



## **15. Program rada Vlade Federacije BiH za 2010. godinu**

Program rada dostavila je Vlada Federacije radi razmatranja i usvajanja.

Predstavnički dom je na nastavku 28. sjednice od 9.3.2010. godine Zaključkom prihvatio Program rada Vlade Federacije Bosne i Hercegovine za 2010. godinu i zadužio Vladu Federacije da u program ugradi sve primjedbe i prijedloge iznesene u raspravi.

U raspravi je učestvovao Svetozar Pudarić.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 30 glasova za, uz 12 glasova protiv i uz tri uzdržana glasa, usvojio Program rada Vlade Federacije Bosne i Hercegovine za 2010. godinu.

## **16. Izvještaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovine za 2007. godinu i Izvještaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovine za 2008. godinu**

Ured za reviziju institucija u Federaciji Bosne i Hercegovine dostavio je Parlamentarnoj komisiji odgovornoj za reviziju revizorski izvještaj o izvršenju Budžeta Federacije Bosne i Hercegovine za 2007. godinu.

Ured za reviziju institucija u Federaciji Bosne i Hercegovine dostavio je Parlamentarnoj komisiji odgovornoj za reviziju revizorski izvještaj o izvršenju Budžeta i korisnika Budžeta Federacije Bosne i Hercegovine za 2008. godinu.

Parlamentarna komisija razmatrala je izvještaje i sačinila svoje izvještaje.

Predstavnički dom je na nastavku 25. sjednice od 27.10.2009. godine prihvatio Izvještaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovine za 2007. godinu sa Zaključcima.

Predstavnički dom je na nastavku 29. sjednice od 24.3.2010. godine prihvatio Izvještaj Parlamentarne komisije odgovorne za reviziju o revizijskom izvještaju o izvršenju Budžeta Federacije Bosne i Hercegovine i korisnika Budžeta Federacije za 2008. godinu sa Zaključkom.

Izvještaje su razmatrala nadležna radna tijela i dostavila svoje izvještaje.

Ispred Parlamentarne komisije odgovorne za reviziju izvještaje Komisije obrazložila je Lidija Brada, predsjednica Komisije.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za,

uz jedan glas protiv i uz sedam uzdržanih glasova, usvojio Revizorski izvještaj Budžeta Federacije Bosne i Hercegovine za 2007. godinu i izvještaj Parlamentarne komisije odgovorne za reviziju o revizijskom izvještaju Budžeta Federacije Bosne i Hercegovine za 2007. godinu sa zaključcima.

## ZAKLJUČCI

1. Predlaže se Parlamentu Federacije Bosne i Hercegovine da u skladu sa preporukama datim u revizijskim izvještajima odmah poduzme sve neophodne aktivnosti da se u Posebnom dijelu Budžeta Federacije Bosne i Hercegovine, Parlament Federacije Bosne i Hercegovine umjesto dosadašnja tri, tretira kao jedan budžetski korisnik (Dom naroda, Predstavnički dom, Zajedničke službe).
2. Komisija predlaže Parlamentu Federacije Bosne i Hercegovine da se, u skladu sa preporukama Ureda za reviziju institucija u Federaciji Bosne i Hercegovine, a zbog jedinstvenog rješavanja administrativnih pitanja u Parlamentu Federacije Bosne i Hercegovine, poduzmu potrebne aktivnosti na formiranju administracijske komisije na nivou Parlamenta Federacije Bosne i Hercegovine umjesto dosadašnje dvije administrativne komisije.
3. Zadužuje se Vlada Federacije Bosne i Hercegovine i Federalno ministarstvo finansija da svako u okviru svoje nadležnosti, najkasnije do kraja 2009. godine, poduzmu sve mjere i aktivnosti na utvrđivanju ukupnih neizmirenih obveza na osnovi unutrašnjeg duga Federalnog ministarstva odbrane i Federacije Bosne i Hercegovine, kao i da predlože način njihovog izmirivanja.
4. Obavezuje se Vlada Federacije Bosne i Hercegovine da – u skladu sa ovlaštenjima utvrđenim u zakonskim propisima, poduzme neophodne aktivnosti na utvrđivanju stvarnog stanja imovine, potraživanja i obaveza federalnih organa i institucija koje su razdvojene na više budžetskih korisnika ili su pravni nasljednici neke od institucija na državnom nivou, a između njih nije utvrđeno pravo korištenja nad imovinom do kraja 2007. godine (Ministarstvo odbrane, Vojska Federacije Bosne i Hercegovine, Ministarstvo unutrašnjih poslova, Federalna uprava policije, Obavještajno-sigurnosna agencija Bosne i Hercegovine, Carinska uprava Federacije Bosne i Hercegovine i dr.).
5. Obavezuje se Vlada Federacije Bosne i Hercegovine da u cilju racionalizacije troškova unajmljivanja imovine i efikasnijeg i funkcionalnijeg rada organa i institucija - najkasnije do kraja 2009. godine poduzme adekvatne mjere za trajno i potpuno rješavanje smještaja federalnih organa i institucija.
6. Zadužuje se Federalno ministarstvo finansija da u skladu sa svojim ovlaštenjima, a najkasnije do izrade Prijedloga Budžeta za

2010. godinu, donese akt kojim bi se utvrdili kriteriji i način utvrđivanja institucija i organa koji mogu biti korisnici budžeta te sačini registar korisnikâ budžeta u cilju omogućavanja subjektima da u svojstvu pravnog lica samostalno planiraju, izvršavaju i obavještavaju o upotrebi odobrenih budžetskih sredstava.

7. Obavezuje se Vlada Federacije Bosne i Hercegovine da prilikom pripremanja zakona i drugih propisa kojima se uvode prava korisnika, odnosno stvaraju obaveze prema budžetu Federacije a najkasnije prije upućivanja akta u parlamentarnu proceduru, obavezno osigura suglasnost Federalnog ministarstva finansija.
8. Zadužuje se Vlada Federacije Bosne i Hercegovine da u roku od 60 dana poduzme sve neophodne aktivnosti u cilju formalno-pravnog rješavanja diobene bilanse između Federalnog ministarstva unutrašnjih poslova i Federalne uprave policije kako bi se državna imovina stavila u funkciju prema njenoj namjeni i osigurala njena zaštita te da se u pisanoj formi obavijesti Parlament Federacije o realizaciji ovog zaključka.
9. Zadužuje se Vlada Federacije da se u skladu sa zahtjevom Parlamentarne komisije odgovorne za reviziju broj: 01, 02-02-1224/08-2, od 21.11.2008. godine, najkasnije do kraja ove godine izjasni o realizaciji Zaključaka Parlamenta Federacije Bosne i Hercegovine donesenih prilikom razmatanja Izvještaja Parlamentarne komisije odgovorne za reviziju o revizijskom izvještaju budžeta Federacije Bosne i Hercegovine za 2006. godinu (9. sjednica Predstavničkog doma, održana 20.02.2008. godine i 11. sjednica Doma naroda, održana 14.03.2008. godine), kao i zaključaka koji budu usvojeni prilikom razmatranja ovog izvještaja.

Potom je predsjedavajući dao na glasanje Izvještaj za 2008. godinu.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za i uz šest uzdržanih glasova, usvojio Revizorski izvještaj o izvršenju Budžeta Federacije Bosne i Hercegovine i korisnika Budžeta Federacije Bosne i Hercegovine za 2008. godinu i Izvještaj Parlamentarne komisije odgovorne za reviziju o revizijskom izvještaju o izvršenju Budžeta Federacije Bosne i Hercegovine i korisnika Budžeta Federacije Bosne i Hercegovine za 2008. godinu sa zaključcima.

## **ZAKLJUČCI**

1. Usvaja se Revizijski izvještaj o izvršenju budžeta Federacije Bosne i Hercegovine i korisnika Budžeta Federacije Bosne i Hercegovine za 2008. godinu sa Izvještajem i zaključcima Parlamentarne komisije odgovorne za reviziju.

2. Parlament Federacije Bosne i Hercegovine upućuje revizorske izvještaje sa NEPOVOLJNIM i UVJETNIM mišljenjem Federalnom i Kantonalnom tužiteljstvu da u okviru svoje nadležnosti sagledaju postojanje osnova odgovornosti za učinjene propuste i nepravilnosti.
3. Obavezuje se Vlada Federacije Bosne i Hercegovine da sa revidiranim subjektima koji su dobili NEPOVOLJNO revizorsko mišljenje osigura koordinaciju provođenja i praćenja aktivnosti na realizaciji preporuka Ureda za reviziju institucija u Federaciji Bosne i Hercegovine na otklanjanju propusta i nepravilnosti, uključujući i poduzimanje mjera odgovornosti.
4. Obavezuju se Vlada Federacije Bosne i Hercegovine i Federalno ministarstvo finansija da u skladu sa Zakonom o računovodstvu i reviziji i Zakonom o budžetima u Federaciji Bosne i Hercegovine planiraju i odobravaju budžet samo institucijama koje imaju pravni subjektivitet u skladu sa Zakonom o budžetima u Federaciji Bosne i Hercegovine.
5. Obavezuju se predsjedavajući oba doma Parlamenta Federacije Bosne i Hercegovine da osiguraju jedinstven pristup administracijskih komisija u rješavanju svih administrativnih pitanja iz djelokruga.
6. Obavezuje se Vlada Federacije Bosne i Hercegovine da prilikom usvajanja programa utroška sredstava sa kriterijima raspodjele tekućih transfera utvrđenih Budžetom Federacije Bosne i Hercegovine za 2010. godinu preispita postojeće kriterije u smislu preporuka Ureda za reviziju institucija u Federaciji Bosne i Hercegovine.
7. Obavezuju se Vlada Federacije Bosne i Hercegovine i Federalno ministarstvo finansija da u roku od 60 dana donesu smjernice i definiraju mjerljive kriterije za odobravanje transfera iz djelokruga korisnika budžeta i način odobravanja i izvještavanja Federalnog ministarstva finansija i Vlade Federacije Bosne i Hercegovine o njihovom namjenskom trošenju.
8. Obavezuje se Vlada Federacije Bosne i Hercegovine da u suradnji s nadležnim ministarstvima izvrši adekvatnu analizu važećih zakona i uredbi, te u okviru utvrđenih nadležnosti i ovlasti poduzme mjere u dijelu predlaganja izmjena i dopuna neusuglašenih zakonskih propisa Parlamentu Federacije Bosne i Hercegovine.
9. Obavezuje se Vlada Federacije Bosne i Hercegovine da poduzme sve raspoložive mjere na provođenju zakonskih propisa koji se odnose na rješavanje pitanja imovine, potraživanja i obveza institucija koje su u ranijem periodu prošle sa federalnog na državni nivo (Federalno ministarstvo odbrane i Vojska Federacije Bosne i Hercegovine, Carinska uprava i Obavještajno–sigurnosna agencija), u cilju iskazivanja tačnog i istinitog njihovog stanja u Glavnoj knjizi Trezora.
10. Obavezuje se Vlada Federacije Bosne i Hercegovine da poduzme sve raspoložive mjere i aktivnosti na reguliranju imovinskih prava u

dijelu kapitalnih ulaganja u objekte koji nisu vlasništvo Federacije Bosne i Hercegovine.

11. Obavezuje se Federalno ministarstvo finansija da u roku od 30 dana sačini instrukciju za resorna ministarstva nadležna za implementaciju razvojno-investicijskih projekata kojom bi se utvrdili način vođenja knjigovodstva, sadržaj i način finansijskog izvještavanja i godišnjeg obračuna, metodologija koju je potrebno primijeniti prilikom okončanja, odnosno zatvaranja određenog projekta čime bi se osigurala potpuna, transparentna informacija o utrošku budžetskih sredstava, kreditnih i donatorskih sredstava za razvojno-investicijske projekte.
12. Obavezuje se Federalno ministarstvo finansija da pruža stručnu pomoć svim korisnicima budžeta kojima je to potrebno na izradi akata kojima se reguliraju procedure funkcioniranja interne kontrole i interne revizije.
13. Obavezuju se svi revidirani korisnici budžeta Federacije Bosne i Hercegovine da nastave aktivnosti na provođenju preporuka Ureda za reviziju do potpune realizacije u skladu sa Programom mjera za njihovo otklanjanje i ovim zaključcima.
14. Obavezuje se Parlamentarna komisija odgovorna za reviziju da prati provođenje preporuka i ovih zaključaka i, prema potrebi, poduzima i druge potrebne aktivnosti.

## 17. Izbori i imenovanja

Prijedlog Odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine utvrdila je Komisija za izbor i imenovanja Doma naroda.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za i uz jedan uzdržani glas, donio Odluku o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine kojom je u Komisiju za jezička pitanja za člana iz reda stručnih, naučnih, kulturnih i javnih radnika umjesto Željke Orozović, kojoj je prestao mandat na lični zahtjev, imenovana **Milka Malkić**.

\* \* \*

Sjednica je završena u 10.55.

Transkript sjednice čini sastavni dio Zapisnika.

SEKRETAR

PREDSJEDAVALAČI

Izmir Hadžiavić

Stjepan Krešić